

重錄總校官侍郎 呂 高 枏

學士 呂 陳 以 勤

分校官編修 呂 呂 是

書寫儒士 呂 孫 應 鳳

副點監生 呂 徐 亮 和

呂 歐 陽 卿

永樂大典卷之七千三百四

十八陽

郎

宋蘇頌濱集辭戶部侍郎劄子臣在尚書省劄子已降告命除臣依前
朝奉郎試戶部侍郎奉聖旨管勾右曹者待罪西掖雖已暮年離齋文墨
之間愧負寵祿之厚豈期過聽特有甄升竊以戶部右曹兼領昔日金倉
司農之政侍郎職事專治天下差繇市易之餘奏請紛然法度未定方欲
酌今昔之中制采吏民之公言宜得強明練達之人立成久遠通融之法
如臣暗陋何以克當願回誤恩別選能吏俾臣愚獲安於微分而國事不
失為得人公私兩宜衆議為允懇迫之至冒昧以聞取進止李綱遜竹溪
集戊午八月乞罷戶部侍郎劄子臣輒有危懇上千天聽伏念臣昨被
誤恩召從跡外期月之間躡真從班濫司劇部叨踰之甚非臣所宜義當
糜捐上報天地生成之賜而臣才術荒淺論議闕迂難用少成不切於事
在官半年有餘曹之絲毫之效日夜惶懼不能自存無臣舊苦瘵眩之疾
每至發作動輒昏仆比緣積憂過計乃復增劇豈容冒居錢穀繁難之寄

若不揣分自引必至顯隣有誤國計上幸陛下委任之恩伏望睿慈特賜
矜憐罷臣戶部侍郎除臣一小郡庶幾竭盡犬馬以圖報效取進止 戊
午八月乞罷戶部侍郎第二劄子 臣一介之賤仰祈聖聽溫詔下頒曲
形諄諭義當上體春隆駿奔就職然臣竊惟擇地而安雖非臣子所當為
不能者止抑亦古人之深戒臣昨者誤被親擢伴貳計會臣於是街戴重恩
思自奮勵不敢固辭冀盡犬馬之力少酬乾坤之造而才薄任重迄無所
施載念方時多艱費用百出既不能力求生財之道又不能力陳節用之
方若或因循歲月以幸無事一有緩急無以支吾則臣之罪不勝誅矣况
臣憂患之餘衰病頓作心神昏憤志慮凋落雖欲自竭終恐有妨伏望聖
慈哀憐察臣危懇寔非避事罷臣戶部侍郎選命能吏庶幾嚙糠之幸得
以自全朝廷之事期於有濟不勝幸甚 戶部侍郎轉對劄子 臣嘗觀
唐太宗問創業守文之君而房玄齡以創業為難魏徵以守文為難臣愚
以謂創業守文雖不為易而中興為甚難也蓋振頽綱補弊政易風俗集
流戶政之可因者倬前轍而或廢事之可革者守膠柱而不移欲其成功
誠甚難也易曰有過物者必濟故小過之後受之以既濟自古人君非有
大過人者不能回衰亂之俗以為安平之治也惟周宣王以任賢使能而

能復古漢宣帝以信賞必罰而致中興光武以總攬權綱造漢室肅宗以治兵討賊復唐祚元帝以虛心下士收一時之望以保江左至於區區勾踐尚能苦身焦思滅強吳尊周室以復其國則天下之事未有力行而不成亦未有不為而能成者也降是而往雖有願治之君而終不能成其紹復之業者政事之間害成者多而不能去故也將帥雖衆而失控御之術害成也財用雖足而失均節之道害成也立政者苟一朝之利而不為經遠之計害成也在位者懷自安之私而無許國之志害成也有是數者而欲成中興之功是猶農夫不去草萊而望苗之興顧不難哉仰惟國家之難曠古未聞陛下宵衣旰食坐薪嘗膽凡政事之得失生民之利病人材之賢否與夫任將帥練兵卒豐財用一有補於中興之治者莫不深究而力行之然感國未復強敵未殄豈規摹未定而害成者未去乎今黠虜留屯中原資糧畿甸分兵淮泗觀時伺釁窺我中國其志甚大未肯輕舉茲忠臣義士所以流涕而蜀堯措紳每為寒心者而朝廷方且崇大體務鎮靜徂目前之安忘善後之計如秦人越人端視而不加恤臣愚所未喻也臣聞孟子論當務之急易經著隨時之義君子見幾不俟終日又聞賁育之不戒童子之不抗魯難之不期蜀難之不支若計謀不先定將帥不協

力士卒不素練饋餉不預備玩歲愒日不早圖之一旦秋風高胡馬鳴後時之悔若噬臍焉殆將何及臣願陛下斷以乾剛照以離明體當務隨時之訓如救焚援溺之急亟將以道節財以理變苟且之政以為遠圖懲自安之私以勵臣節力去此害成者然後任賢能如周宣王信賞罰如漢宣帝總權綱如漢光武掃大慙如唐肅宗下取元帝勾踐之事以為規監將見中原不足復點虜不足破賊宗廟社稷海寓元元無疆之休臣不勝憂思忠憤激切屏營之至曹彥約昌谷小集辭免權戶部侍郎上坐相劉子某近者初九日伏准省劄叨除棘卿超踰過分已極震恐嘗於初十日具狀辭免并以稟劄布露心腹矣計程未報鈞聽十六日又准省劄乃有小司徒之命驚駭惶惑不知所云本朝典故未有無朝蹟一日徑登法從者異恩如此仰見大丞相有意器使之也然而伏自惟念人才互有短長時事各有難易平生有志事功固不敢偷安苟祿然以區區之愚慮度今日之事體有某等常才之所可任者亦有排難解紛非英雄豪傑不可以應變者萬一所使令之事非謂才之所能任必將孤負造化坐致罪愆則今日之所以提而拔之適所以招致煩言得罪於公論也情實迫切不敢不告欲望敕奏收還成命容某以知隆興府本職赴闕奏事因得進拜光範

自叙其所能所不能然後伏聽處分誠為未晚須至申稟者再具辭免
上丞相劄子某貌馬孤蹤無此呼蟻子之援大丞相不知其不可而欲
以豹尾班處之起州縣塵埃間假途卿月徑登禁路可謂晚曠古之拘繫
創一朝之典故隆天厚地不足以喻其德施矣按之私情誠有所不安訪
諸公論猶有所未穩誠以官清俗地聲望輕欲宣力四方而精力已憊
欲裨贊國論而學問有歉大丞相雖欲一力庇之而好事者易以衆口鑠
之既已食其祿恐不得以解其責也死者再具辭免皆出誠實非尋常文
具之比言語拙訥不足以動造化之聽用敢不避再三復申前悃况以蒲
柳之質本自早衰今崦嵫已迫尤更疲茶若於煩言未至之先施人後以
必從之患則是始疑其可而欲用之終知其不可而遂已之雖簞食瓢飲
膏澤於衡茅之下首尾造化其敢須臾忘須至申稟者啓劄湖海余日華
集 賀商總領除戶侍劄子 竊以赤幘布令清和可人共惟某官寵光
鼎來事權增重清寧翊扶台候動止萬福某逖聞備告不勝贊喜之情謹
拜手申敬下吏伏幾仰符聖眷俯尉師虞攷視履之祥謹觀願之養坐迎
退詔立登政涂某磨顙某共審渙膺天詔晉歲地官班聯紫橐之華人仰
皇華之遠列城順賴多士懽忻仰惟某官環偉閎達之資醇深正大之學

清名直節冠映一時公輔之望有識均企逢時遇主以宣令猷正色立朝
無愧前哲守專退勇出總軍儲董驟駕之將輸裕轅門之供億成績昭著
褒詔鼎來升華禁涂增重使指士夫相慶以為創見帝意有在坊用可期
真儒登庸倏彊自復願據宏綱坐收萬功以溥慰凡百君子之望 某達
邀仞騰三見槐綠雲泥異勢雖餘漫刺之期而仰德之深常若巍巍煌煌
之在目故臘偕中履端之賀方思漬尊而便翼言旋重枉報翰情文密解
圭復藏去愧感參襲朱墨沉迷姓名卑鄙尺題寸札不敢輒前茲聞峻除
喜欲起舞而守地千里阻慶龍門制劑多儀弗獲麟楮敬馮桑尺少申履
成之私草創匪儀凌兢果劇黨蒙情亮感幸何如某賦分謫裔依然一寒
冒焉此來倏十閱月地當衝要扞蔽江湖日來羽檄交馳文書雜沓戍兵
盡發營壘一空客旅不通調發百出常平之未撥發幾盡逆角之官駟磨
沓未聞勉夙宵不皇寧處而郡計窘來頗費支吾一羽百鈞思不勝任豐
敗可立而待也幸甚獲私二天之庇允覆護其短而掀揭其時躋者惟執
事少如意焉不勝榮荷台悃星斗之眷寅想靈秘成右福祿來崇屬部使
令敢請要束王與鈞蓋縷藁李侍郎劄子 衡治宣平琴薰清穆恭惟某
官雍容紫橐刊潤金科德望愈尊穹示交相台候動止萬福某祇備巽令敢

略繁文仰俟譙光必垂矜矜遐跡五緯芒寒之曜邈在九霄嚴近之班律
呂推移寢聞歲時之久旆旌搖曳可勝昕夕之勞顧雖棲運主審之中寧
忘趨步仞墻之舊念嘗叨於偉遇第榮積於崇瞻蹟涉閑跡心惟悚惕欽
以某官恢洪而簡亮敏達而該通檢中外之濟更履劇煩而益裕比跡卿
寺出鎮坤垣華牛刀積劔之風固已懔威名之遠參豹尾雖翹之選又將
明富教之方簡瞻郵隆班聯增峻荷素承渥姑彈論思獻納之忠梅鼎共
調佇膺輔相贊襄之任上同 賀李侍郎劄子 楓江凄晚菊露妍秋恭
惟某官法從高華寵章赫奕三靈佑助九鼎尊安台候起處萬福某俗循
甲令之文用畧鱗奮之禮粵絲四月借仲領事之恭瞻拜五雲深載鴻謨
之誼乃若邇溢流而宗嚮仰廬嶽以崇瞻增夢寐之不忘豈聲畫之能駕
恭審顯膺錫命真貳司元版藉浩繁既賴舉綱之政金科簡易仍魚疊組
之榮飛驛傳聞綿區胥慶刻素辱拊存之厚其何勝抃蹈之情欽以某官
強毅而靖共恢宏而周練冉求之藝伸由之果宜在北門政事之料廷尉
之審京兆之明度越漢家法理之士麾節游更於繁劇規摹冀出於尋常
恩漸百姓之心威落群兇之膽荆東再駕坐息鯨波江右三遺切撤蛟窟
迨遍歸而舍爵實深樹於凝旒甫儀秋寺之卿坐列地官之亞功名寢迫

風采采昭何以假為姑正紫荷之選是宜大宴即陪黃閣之游式據開濟
之材光輔延共之業 賀汪侍郎劄子 顯膺天寵擢戴地官左馮翊表
著外庸爰錫圭而朝覲小司徒對揚休命坐荷素以論思法從得賢與情
咸慶恭惟某官偉材拔萃雅量鎮浮明清先正之語言夙傳家法文大賢
人之德業卓冠時髦吉甫以文武憲萬邦邵叡以詩書謀元帥自昇保釐
之任實高鎮撫之勲來暮惟誦借越吟而不絕去思德政與秦刻以長存
十年寬借冠之期一紙下徵黃之詔茲正版曹之位蓋隆計相之權施十
二教之常以化民俾還醇厚以三十年之通而制用坐致富強遂繇獻納
之班徑上彫諧之地公侯復始家國同休 賀陳總除戶部侍郎劄子
茲審地官持橐真拜禁途天塹峙糧仍燕宅牧鞭茅靡聞於庚癸獲聲寢
迫於雲霄俾金龜背之江山增鐵甕城之氣象適催綸詔入秉事樞賀履
之私濡毫以繼某少稟王益之令弟清流尉荷知遇不薄俾再秦幃底可
謂天幸當今振挈孤寒襟懷掀磊力量特達未有出賢伯仲之右者儻有
機會更望幹旋益之為門下士初不俟禱某念之深不容不禱也伏丐
體察 啓唐李義山集戶部柳侍郎啓 不審自在道路尊體何如伏計
不失調護侍郎為時生德命代標材今者蕭斧深威囊錐念理仰承微詔

必付化權。伏惟稍促前驅。達揚上笏。副宣室受釐之問。慶傳藤帷。日之求。
凡在舍生。佇登壽域。况某辱蒙恩獎。頗歷光陰。望夫子之門牆。早差懸隔。
扶山公之啓事。常抱憂慙。敢效舉附之誠。實指禱祠之懇。伏緣過官有日。
不獲奔波迎謁。下情無任惶慙之至。賀度支周侍郎兼判戶部啓。伏
見除書。兼判戶部。竊以賢大夫之事。君有德有命。明天子之分。職以功以
庸。託省事於兼統。杜多門於獨斷。非聖上不能以先此道。非侍郎不足以
膺斯求。制國用則有大家宰之尊。佐邦教則有小司徒之貴。是為假道。即
踐台階。萬里側聆。九霄注視。佇願之至。無喻下情。宋錢塘韋驥萊謝戶部
楊侍郎啓。右某。區區之跡。久玷知遇。不圖今者。復肯論薦。感愧兼備。
情誠靡極。恭惟某官。以道德術學。早登近侍。而注指施設。莫不贊國助治。
為志其捷。稅收拾。宜得瑰偉奇傑之材。而舉之於朝。使有以致用。如某愚
淺。何足比數。而兩塵薦膺。豈失於取之太恕。而聽之或過耶。如其不然。蓋
仁人君子。懷有所知。知其稱不宜舍。則引之掖之。期於利達有用。而後已。
不忍坐視其窮。而不加之力也。緣是推之。則某重被推轂之恩。其所荷戴。
尤宜常心相萬。若某之樸拙之字。聞聞之勢。為公之所亮焉矣。不俟縷縷。
以煩聰明。其感衷自勉。力行脫達。冀有以上答騰輿。固亦當藏諸心而深

若銘刻不假逆陳於左右。令其言者姑以示德公之賜而重為之儀。且以異平日之請見於門閭。洗滌將命。但增恐畏。謹奉啟事陳謝。伏惟台慈。俯賜鑒念。謹啟。麻姑雙溪集迎知郡吳侍郎啓。伏審韶音新渥。便符舊飛。天臺鑒裁。奉方隅之殊榮。地官劇柄。虛畿輔而輟賢。聲製道塗。欣溢鄰壤。政想旌旗之色。掃灑甘棠之陰。恭惟知府待制侍郎。懿實光輝。淳誠暇裕。淵邃士林之標矩。雍容國器之圭璋。論議建明。適宸衷之虛佇。杜直獻替。欽社下之威後。登高攬轡之澄清。啓沃前席之諧允。酌王度而裁國制。幹運變通。調軍賦而節貨泉。鍊詳取乎究穆。清之重委。無中外之密蹕。聽于淵宣布之謠。流次公豐第之政。聞召節之何遠。奉奏計于片時。蒲城蒙庇。于雲霞。久匿伏于風範。誠素依於惠愛。氣合渴頌。於趨承引領。貴屬。載納啓。龍坂可登之際。毛穎無畫以陳。王之道相山集。賓劉無隅。除戶部侍郎。啓。以何春。同作伏。富寵膺帝制。擢貳地官。九重側席。以適其歸。千里舉懷。而惜其去。敷揚所建。非攸歸。恭惟其官風教。名卿文章。宿老。顯稱其德。洗萬古而凡馬空。燕桎于天。臨絕頂而衆山小。上方圖於非計。時莫急於軍須。當求條奏。時政如李元紇。庶幾對揚聖問。得盧承慶。果聞華綈。慎付真材。食給閭中。正賴蕭何之畫。錢流地上。佇觀劉晏之功。進位釣衡。

加澤寰宇遂益隆於國體用大慰於民瞻某猥以孤蹤出於大造朽株枯木嘗有賴於先容墜履遺簪幸無忘於舊物永言欣頌實倍等倫仲并浮山集代賀漕除戶侍啓 詔頒天墜恩陟地官晉風采於列城藉甚埋輪之蔡增羽儀於禁路偉茲持橐之班簪紱均歡冕旒虛竹竊以會計自有綱目廢之斯紊而舉之則張泉貨非無源流疏之斯通而壅之則止仰惟累聖具有成規凡歛散出納之權為經常永久之計餘財餘力民無一日之徭足食足兵國有九年之蓄閱歲茲久遭時多虞官簿紛紜敵起胥徒之手民田連亘富擬王公之家舉世咨嗟賴公均見銷百年之患不勞指顧之間為兩路之民永息追呼之擾法當推廣春益優隆恭惟某官道極高明氣充剛大洽聞博物學貫百氏之書發策決科文高乙夜之覽以潔靜精微之教達聰明睿智之君墨綬他時屈宋才於下邑鵬水三歲騰歡頌於載塗任衆人所難能合斯民之共願兩手加額萬口同詞侯宅侯田既力推於豪右我疆我理庶永斷於侵漁萃此殊功滋膺妙簡仁政必自於經界已悉正於版圖老成實重於典刑宜遂聯於晉橐卓爾羣工之標的益為二府之權與成命初傳有識相慶某猥蒙知遇浸荷使令奉令而行唯謹遵於三尺指心自誓儻圖報於萬分賀履為深趨庭未遂莫勝敦

叙但劇欣榮許景衡橫塘集賀戶部洪侍郎啓 伏審光膺帝制進貳地
官除目喧傳興情悅服伏惟慶慰恭以某官懿文照世榮問動令頃縣春
知荐更任屬抗斧出使利澤被乎兵民授鉞開藩威聲懾乎戎狄顧分外
寄未究壯猷惟神考釐正於文昌而國用獨專於民斯平居之論每難其
人既屬高才夫復何患上資邦計賦不益而用饒下叶民聲財有餘而頌
作懋茲嘉蹟簡在清衷廟謨方係於贊襄者闕豈遑於淹式式符公議何
獨愚言某適綴守符阻慶賓席惟是卿往來易名言 賀翁侍郎啓 伏
審顯頒帝制擢貳地官侍從惟賢朝廷增重伏惟歡慶恭以某官學周今
古名重搢紳昔者傳聞已見九齡之有作得諸談笑尚期七步之成章頃
縣春獎之殊荐歷輸將之寄心計綽有餘裕意匠舉無不能坐振臺綱稜
稜使者之風米區處人物漂漂大臣之規模十年于茲七閩無足春惟版
部定總邦財顧在廷豈無人哉而俗民莫如公者賜環承命載路謹謹倚
慶司徒之成功進登冢宰而制用關中粟腐不獨前聞地上錢流請從此
始某天涯冗吏門下散財猥沾覆庇之私皆冒薦論之寵共聞榮拜倍慙
感懷屬以拘縻阻於慶謁瞻望台庭下情無任汪玉山集賀林侍郎啓
伏審欽承天寵進貳地官國計有歸師言惟允恭惟某官風猷凝遠器經

恢闊體備四時之和學操千古之贖召還省寺謫者聲猷歲坐閣於三遷
人尚嗟於久次替筆持橐豈以爲執事之榮開石和鈞庶幾觀富國之效
應辰風蒙異眷方託餘光茲聞命於宜郵益馳情於賀厦其爲欣抃實倍
等夷 賀戶部王侍郎啓 伏審簡在淵衷典司國計詔旨既下公論交
欣恭惟學識高明才猷宏遠羣疑未判獨先見於眇綿萬變並陳每優爲
於肯綮乃言可績不已于行北者按臨於四川屬方經畧於三輔興師十
萬發輜再三事皆得宜民不加賦以饋餼而兼填捐之政可謂至難併論
思而升侍從之流豈宜久外果承召節歸重本朝惟已試之具宜將不勞
而益辨盡摠所緼以濟斯時某素辱照知尤勤向仰莫遂趨承之便敢伸
賀喜之私張廣東憲集賀戶部李侍郎啓 伏審陞華西省曾未淹時擢
貳版曹亟聞登用倘非兼政事文章之美何以供掖垣臺閣之求儒術流
行天下自臻於富庶仁賢信任國中豈患於空虛簡在深衷滿符公議恭
惟某官剛大養氣塞淵東心挾數器以濟時全三才而貫道窮廣大精微
之學不詭於聖人屬雄深雅健之文獨高於作者自其卒業於父兄之日
早以策勲於翰墨之場多士推先衆目共驚其偉整達人委運十年反望
於積薪流落江湖侵尋齒髮逮真主建中興之業圖爲人爲共政之基再

下鋒車遂持荷橐雖士友與嗟其晚遇然朝廷喜得於老成典誥深醇寔
盛時之帝制憲章明習真後輩之吏師惟習中素有於成謀故意外俱無
於難事宜自代言之責遽分足食之憂刻燭占詞方懼吏曹之脫脫舉鞭
授界已驚平地之錢流即贊樞機式從民望某遂違牆仞窺閭歲時側聞
成命之傳倍越稠人之喜門無留謁越趨獨後於賓僚言以見誠罷職敢
慚於絨尺王十朋梅溪集賀趙侍郎啓分張伏雷光奉宸命榮遷地官親
賢見用於朝中外固不相慶某官玉牒散向朱轡趙張豈惟標準於宗支
固甚練達於吏事使輶屢駕興南閩十好之誼符竹存分繼劉龍一錢之
警果蒙親擢巍領貳卿方國廩之未豐在版曹為尤急省用斯能足用生
財莫若節財願於論思獻納之時力陳本末原流之計贊漢文之儉德革
唐室之私藏無若延齡後經詎以惑主宜同李絳不進獻以結恩要令粟
腐於太倉固使錢油於異境主聖如此公言必從坐收取予之功行處窮
諸之任某叨與幕府復依大賢雖贊畫有規古人然至室必以公事性素
傷於愚直事每荷於寬容顧虞翻之榻猶存曲蒙屢下想元禮之門益峻
木遂重登輒登微誠遙馳尺牘洪文安公集賀戶部侍郎落權字啓伏
雷光勝宸檢寵陟禁塗登顯秩於貳卿攝承既久率諸曹於民部擢序維

新邨命初傳與言咸允恭以某官氣潛剛太識際幾微石韞水懷漱六藝之芳潤金相玉質覽千仞之德輝奎倬執於魏科壘影纓於臚仕大農元直獨高涉筆之稱司度領財益妙握蘭之選彌綸宰士轉漕王畿積丹辰之簡知拜紫荷之清切對錢穀出入之間式阜邦儲總經界均正之權盡捐民瘼浸膚試可果速為真班駘加峻於六官風米增先於兩禁詎容煖席倚即持樞某僑迹異鄉拙心崇仰託粉榆之契志嘗竊於依風貢茅牘之辭情寔深於賀厦王漢濱先生素賀徐侍郎啓顯膺綸制進貳版曹豈惟增近侍之光華抑亦係生民之休戚庇庥所暨跛躄惟均恭惟某官與學逢原宏猷絕俗夙抱經綸之蘊存躋通顯之堂用之則行信其才之卓爾折而不撓知所養之浩然又去明庭甚辜清議頃召從於間館遂坐造於亨衢既陞從橐之職益峻朝紳之望為國興利曾資心計之良惟帝念功行東事樞之重某屬拘遠部竊聽新除懷漫判於門牆莫仲慶謁達空函於几格徒切歡悰賀趙侍郎啓光膺宸命峻陟禁班擢由玉牒之英全付板曹之政除音初攝僉論允諧恭惟某官一代偉人五陵間氣素養梗枘之用出為梁棟之須東平居家為善最樂河間好古得書至多迹其躬寒索之風固已富經綸之藴輶車屢駕又揚膚使之聲幕府既開益

倚長城之重召從淮浦獨領地官惟明足國之方深軫富民之慮變通有術取予咸宜制拜計之盈虛方資長策參廟謨之密勿行奉明綸某夙仰風猷未窺符籙典選方之餽餉焉稱使命託大廈於解縈庶逃深穽賀除權戶部侍郎川陝宣諭使謝宰相啓奏蜀計以歸班方趨召節貳民曹而諭旨就拜除書辭避莫仲茂兢罔措伏念某幼專儒學初乏吏能偶不棄於明時遂寢更於煩使關山萬里幾為莊舄之吟塵土一官又失邯鄲之步陞華月去總賦坤維適丁用武之難粗免之興之責中緣抱疾數懇奉祠賜環已戒於趨裝出綈遽驚於即授名參從橐朝宗輟江漢之行身擁使轅捫崖跨井參之分被寵臨而特異仰造化以知歸此蓋伏遇某官大度包荒至仁恤遠闡尊主庇民之畧行拔賢進善之心鎮靜物情掩風流於江左陶成士類惻留滯於周南遽俾衰蹤亦叨重寄某敢不更堅晚節益勵孤忠陳力無堪曷展驅馳之效技聞有請終希袂北之恩賀新知荆南揚侍制除戶部侍郎命出宸庭班躋禁路乃眷大司徒之職國計是資爰陞小常伯之聯邦基愈固郵音初播興誦交歡恭惟某官學識高明材猷彊敏雅譽見推於衆論精忠自結於隆知晉列上卿既益饒於軍賦擢居次對爰均逸於祠庭屬分帥聞之推遽貳民曾之劇論思獻